

Leyîz m' plorer

Mes camaerâdes m'ont vnou dire :

« C'est nosse fiesse,

Vinoz danser ! »

K'èn ôte s'amuze, mi, dji pleure li mwaistresse

Ki m'a cwité.

Dji l'inmeu tant. Elle aveut mes pinsêyes

Di nute et d' djoû.

Leyîz m' plorer! Tote mi veye est gâtêye,

Dji l'a pierdou; awè dji l'a pierdou !

Ses pitès mwins avént l' minme blankixheur

Ki nos feus d' lisse.

Et ses deus lepes estént pus rôzes ki l' fleur

Di nos rôzîs.

Mây nole fâbite n'a fwait oyi come leye

Des tchants si doûs.

Leyîz m' plorer! Tote mi veye est gâtêye,

Dji l'a pierdou; awè dji l'a pierdou !

Vos ârîz dit kéke andje vinou sol tere

Divins l' moumint.

Ele pârtixheut totes ses spâgnes al mizère

Des ôrfulins;

Ou k' elle aidive si viye mère al vesprêye

Po rmonter l' soû.

Leyîz m' plorer! Tote mi veye est gâtêye,

Dji l'a pierdou; awè dji l'a pierdou !

Dji n' pou rovyî k' el sâjhon des violetes,

Ele mi dérit:

Louke ces oujheas apîçtés sol coxhete...

Ki fiestèt i ?

Va, cwand on s'inme, tos les djoûs d'ene anêye

Sont des beas djoûs,

Leyîz m' plorer! Tote mi veye est gâtêye,

Dji l'a pierdou; awè dji l'a pierdou !

Elle est asteure eco pus hôt k' les stoeles,

E paradis.

Pocwè fât i k' ele soeye evoye tote seule,

Evoye sins mi ?

On a bea m' dire: " I fât bén k' tel roveyes ! "

Est çki djel pou ?

Leyîz m' plorer! Tote mi veye est gâtêye,

Dji l'a pierdou; awè dji l'a pierdou !